

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
KANTONALNI SUD U NOVOM TRAVNIKU
Broj: 51 0 K 151713 24 Kžk
Novi Travnik, 24.12.2024. godine

U IME FEDERACIJE BOSNE I HERCEGOVINE!

Kantonalni sud u Novom Travniku u vijeću sastavljenom od sudija Darmina Avdić kao predsjednika vijeća, te Vesne Vujica i Lazarele Porić kao članova vijeća, uz sudjelovanje zapisničara Lidije Kolak, u krivičnom predmetu protiv optuženih M. O. i B. H., zbog produženog krivičnog djela Teška krađa iz člana 287. stav 1. u vezi člana 31. Krivičnog zakona Federacije BiH u sticaju sa produženim krivičnim djelom Paljevina iz člana 301. stav 1. u vezi člana 31. istog zakona, postupajući po optužnici Kantonalnog tužilaštva Travnik broj: T06 0 KT 0024653 18 od 08.04.2019.godine, nakon održanog pretresa pred apelacionim vijećem u prisustvu optuženog M. O. i njegovog branitelja po službenoj dužnosti Senada Hadžiabdić, advokata iz Bugojna, optuženog B. H. i njegovog branitelja po vlastitom izboru Bekira Ferizović, advokata iz Travnika, te kantonalnog tužitelja Nedžada Islamović, donio je i dana 24.12.2024.godine u odsustvu uredno obaviještenih stranaka i branitelja, javno objavio sljedeću:

PRESUDU

I

1. Optuženi M. O., sin R. i m. E. (rođ. K.) rođengodine u mjestu D., općina V., nastanjen u mjestu G. D. bb, općina V., pismen sa završenom SSS, po zanimanju mesar, neoženjen, živi u vanbračnoj zajednici, otac jednog maloljetnog djeteta, lošeg imovnog stanja, Bošnjak, državljanin BiH, JMBG:..., neosuđivan, nalazi se na slobodi,

2. Optuženi B. H., zvan B., sin A. i majke F. (rođ. O.) rođengodine u T., nastanjen u mjestu S. bb., općina V., pismen sa završenom SSS, po zanimanju vozač motornih vozila, zaposlen, oženjen, otac jednog maloljetnog djeteta, srednjeg imovnog stanja, Bošnjak, državljanin BiH, JMBG; ... , osuđivan, nalazi se na slobodi

KRIVI SU

Što su:

Dana 11.11.2018.godine u mjestu P. - općina V., oko 19,00 sati, zajedno i po prethodnom dogovoru sa M. V., u namjeri pribavljanja protupravne imovinske koristi, izvršili provalu i otuđenje pokretnih stvari iz dvije zatvorene kuće tako što su, nakon što su prethodno od odjevnih predmeta improvizirali tzv. „fantomke“, došli do kuće vlasništvo L. B., koja se nalazi u neposrednoj blizini kuće u kojoj boravi M. V., i podesnim predmetom pokušali provaliti vrata iste, a potom udarcima nogama

provalili ulazna vrata, te ušli u unutrašnjost kuće gdje su izvršili premetačinu i prisvajanje dijela stvari i odjevnih predmeta i to: usisivač marke „First“, ručni alat, staklenu boca sa žičanim čepom, te odjevne predmete, da bi se potom vratili do kuće M. V., gdje su ostavili otuđene stvari i popili nekoliko piva, te od odjevnih predmeta ponovo improvizirali tzv. „fantomke“, a potom se uputili u pravcu kuće vlasništvo F. B. gdje su razbili staklo na prozoru sa zadnje strane kuće, ušli u unutrašnjost iste, te izvršili premetačinu i oduzimanje dijela stvari i to: dukserica crne boje, ručni alat i drugi odjevni predmeti, na koji način su za vrijednost otuđenih predmeta oštetili vlasnike objekata,

čime su počinili produženo krivično djelo Teške krađe iz člana 287. stav 1. u vezi sa članom 31. Krivičnog zakona Federacije BiH,

pa sud optuženog B. H., primjenom iste zakonske norme, kao i primjenom člana 50. tačka b) Krivičnog zakona Federacije BiH,

OSUĐUJE
NA KAZNU ZATVORA U TRAJANJU OD 3 (TRI) MJESECA,

a optuženom M. O., primjenom člana 62. stav 1. stav 2 i stav 3. Krivičnog zakona Federacije BiH, izriče

UVJETNU OSUDU

kojom se optuženom M. O. utvrđuje kazna zatvora u trajanju od 6 (šest) mjeseci i istovremeno određuje da se ista kazna neće izvršiti ako optuženi u roku od 1 (jedne) godine od dana donošenja ove presude ne počinu novo krivično djelo.

Na osnovu člana 57. stav 1. Krivičnog zakona Federacije BiH optuženom B.H. se u izrečenu kaznu zatvora ima uračunati vrijeme provedeno u pritvoru u trajanju od 30 dana po rješenju Općinskog suda u Travniku 51 0 K 147690 18 Kpp od 16.11.2018.godine.

Na osnovu člana 212. stav 3. Zakona o krivičnom postupku Federacije BiH oštećeni F. B. i L. B. se sa imovinskopравnim zahtjevom upućuju na parnični postupak.

Na osnovu člana 202. stav 1. Zakona o krivičnom postupku Federacije BiH optuženi se obavezuju da nadoknade troškove krivičnog postupka plaćanjem paušala u iznosu od po 100,00 KM, a u roku od 30 dana po pravosnažnosti ove presude.

Na osnovu člana 202. stav 4. Zakona o krivičnom postupku Federacije BiH optuženi M. O. se oslobađa obaveze plaćanja nagrade i nužnih izdataka postavljenog branitelja po službenoj dužnosti, te isti padaju na teret budžetskih sredstava.

II

Optuženi M. O. i B. H., sa ostalim podacima kao u spisu, na osnovu člana 299. tačka c) Zakona o krivičnom postupku Federacije BiH,

OSLOBAĐAJU SE OD OPTUŽBE

da su:

dana 11.11.2018.godine u mjestu P. - općina V., oko 19,00 sati, zajedno i po prethodnom dogovoru sa M. V., nakon provaljivanja u kuću vlasništvo F. B., zapaljivom materijom, najvjerovatnije benzinom, izvršili posipanje unutrašnjosti te kuće, a potom i paljenje iste, nakon čega su se udaljili sa lica mjesta, te prilikom ponovnog prolaska pored kuće L. B., također izvršili polijevanje unutrašnjosti kuće zapaljivom tekućinom, najvjerovatnije benzinom, te tako izvršili zapaljenje iste, nakon čega su se udaljili sa navedenog lokaliteta, na koji način su požarom oštetili vlasnike objekata za vrijednost oštećene imovine,

čime da su počinili produženo krivično djelo Paljevine iz člana 301. stav 1. u vezi člana 31. Krivičnog zakona Federacije BiH.

Na osnovu člana 203. stav 1. Zakona o krivičnom postupku Federacije BiH, troškovi krivičnog postupka iz člana 199. stav 2. tačke od a) do f) istog zakona, kao i nužni izdaci optuženog i nužni izdaci i nagrada branitelja, u dijelu koji se odnose na krivično djelo za koje su optuženi oslobođeni od optužbe, padaju na teret budžetskih sredstava.

Na osnovu člana 212. stav 4. Zakona o krivičnom postupku Federacije BiH oštećeni F. B. i L. B. se sa imovinskopравnim zahtjevom upućuju na parnični postupak.

Zapisničar
Lidija Kolak

Predsjednik vijeća
Darmin Avdić